



## Stjórn SSH 519. fundur

Mánudaginn 1. febrúar 2021, kl. 12:00, kom stjórn SSH saman til fundar með fjarfundabúnaði.

Fundinn sátu: Ármann Kr. Ólafsson, Ásgerður Halldórsdóttir, Dagur B. Eggertsson, Haraldur Sverrisson, Karl M. Kristjánsson, Rósa Guðbjartsdóttir stjórnarmenn í SSH og Gunnar Einarsson formaður stjórnar. Páll Björgvin Guðmundsson framkvæmdastjóri SSH, og Hildigunnur Hafsteinsdóttir lögfræðingur SSH sem ritaði fundargerð.

Formaður setti fund og gengið var til dagskrár.

### 1. Stjórnsýsla byggðasamlaga / málsnr. 1912001

Á 518. fundi stjórnar hinn 18. janúar 2021 var ákveðið að skipa starfshóp kjörinna fulltrúa vegna þessa verkefnis og var eftirfarandi niðurstaða bókuð í fundargerð:

#### **Niðurstaða fundar:**

*Stjórn samþykkir að óska eftir tveimur tilnefningum frá hverju sveitarfélagi í starfshópinn, einum frá meirihluta sveitarstjórnar og öðrum frá minnihluta. Stjórn felur framkvæmdastjóra að ljúka drögum að erindisbréfi starfshópsins og leggja fram með erindinu til sveitarfélaganna.*

Beiðnir um tilnefningar ásamt drögum að erindisbréfi voru sendar sveitarfélögunum hinn 20. janúar 2021, og hafa eftirfarandi tilnefningar borist:

Ágúst Bjarni Garðarsson, Hafnarfirði  
Ásgeir Sveinsson, Mosfellsbæ  
Bjarni Torfi Álfþórsson, Seltjarnarnesi, m. fyrirvara um samþykki bæjarráðs  
Björg Fenger, Garðabæ  
Dóra Björt Guðjónsdóttir, Reykjavík  
Egill Þór Jónsson, Reykjavík  
Guðmundur Ari Sigurjónsson, Seltjarnarnesi, m. fyrirvara um samþykki bæjarráðs  
Jón Ingi Hákonarson, Hafnarfirði  
Lovísa Jónsdóttir, Mosfellsbæ  
Margrét Friðriksdóttir, Kópavogi  
Sara Dögg Svanhildardóttir, Garðabæ  
Theódóra S. Þorsteinsdóttir, Kópavogi

#### **Niðurstaða fundar:**

Samþykkt að skipa í hópinn á grundvelli framangreindra tilnefninga. Samþykkt að Páll Björgvin Guðmundsson framkvæmdastjóri SSH verði formaður hópsins og að skrifstofa SSH leiði þessa vinnu.



Þá er framkvæmdastjóra SSH falið að skoða hvernig greiðslum til starfshópa hjá aðildarsveitarfélögunum er háttað og leggja fyrir stjórn.

## 2. Sóknaráætlun – áhersluverkefni 2021 / málsnr. 1906002

Lögð er fram tillaga að áhersluverkefnum fyrir árið 2021. Jón Kjartan Ágústsson svæðisskipulagsstjóri er gestur fundarins undir þessum lið. Páll Björgvin framkvæmdastjóri SSH kynnir tillögur að áætluðum verkefnum, skiptingu fjármagns og framlag sóknaráætlunar til áætlaðra verkefna.

### Niðurstaða fundar:

Tillaga um verkefni sóknaráætlunar árið 2021 og fjárframlög til þeirra samþykkt. Tillaga stjórnar SSH er háð samþykki ráðuneytis samgöngu-og sveitarstjórnarmála.

|   | Framlag sóknaráætlunar | Framlag SSH | Samtals      |
|---|------------------------|-------------|--------------|
| Loftslagsstefna fyrir höfuðborgarsvæðið.  | 7.0                    | 1.0         | 8.0          |
| Nýsköpun og samvinna sveitarfélaga: Áfangastaða- og markaðsstofa höfuðborgarsvæðisins | 8.5                    | 1.0         | 9.5          |
| Höfuðborgarsvæðið sem staðarvalkostur.  | 4.0                    | 1.0         | 5.0          |
| Þróun græns skipulags: Kortlagning, mæling og nýting útivistarsvæða.                  | 9.0                    | 1.0         | 10.0         |
| Ratsjain fyrir ferðapjónustu á höfuðborgarsvæðinu.                                    | 3.5                    | 0.0         | 3.5          |
| Forvarnir á tímum Covid-19  | 2.5                    | 0.5         | 3.0          |
| Bæta samstarf sveitarfélaganna við markmiðasetningu og ut anumhald                    | 3.0                    | 0.5         | 3.5          |
| <b>Samtals</b>  | <b>37.5</b>            | <b>5.0</b>  | <b>42.50</b> |

## 3. Sundabraut / málsnr. 1908005

Kynning stöðunnar á vinnu starfshóps um uppbyggingu Sundabrautar, sem var falið að fara í frekari greiningarvinnu á valkostum sem standa eftir við þverun Kleppsvíkur. Jón Kjartan Ágústsson er gestur fundarins undir þessum lið og kynnir framangreint.

## 4. Málefni skíðasvæðanna – framkvæmdir á skíðasvæðunum / málsnr. 1501005

Lagðar fram til kynningar fundargerðir verkefnahóps og umræða um stöðu verkefnisins og næstu skref. Páll Björgvin framkvæmdastjóri SSH kynnir.

## 5. Stafrænt ráð sveitarfélaga / málsnr. 2012003



Stafrænt ráð sveitarfélaga var tekið til umræðu á 516. fundi stjórnar hinn 7. desember 2020 og eftirfarandi bókað í fundargerð:

***Stafrænt ráð sveitarfélaga/ málsnr. 2012003***

*Kynning á starfi Stafræns ráðs sveitarfélaga, fyrirbyggjandi tillögum ráðsins og næstu skrefum í vinnu þess. Gestur fundarins undir þessum lið er Áslaug Hulda Jónsdóttir, fulltrúi SSH í Stafrænu ráði sveitarfélaga. Áslaug Hulda Jónsdóttir kynnir framangreint, en fyrirbyggjandi eru tillögur um stofnun miðlægs tækniteymis Sambands íslenskra sveitarfélaga og er ráðgert að kostnaður vegna þess skiptist milli sveitarfélaga.*

***Niðurstaða fundar:***

*Framangreindu er vísað til umræðu og afgreiðslu á vettvangi aðildarsveitarfélaganna með tilheyrandi kynningu, verði óskað eftir því af hálfu sveitarfélaganna.*

Fyrirbyggjandi er bréf frá Kópavogsbæ um afgreiðslu bæjarráðs á erindi SSH hinn 14. janúar sl. og er hún svohljóðandi:

***2012242 - Stafrænt ráð sveitarfélaga***

*Frá SSH, dags. 9. desember, lagt fram erindi um starfrænt ráð sveitarfélaga sem vísað var til efnislegrar afgreiðslu aðildarsveitarfélaga á stjórnarfundi SSH þann 7. desember sl. Bæjarráð frestaði afgreiðslu málsins á fundi sínum þann 17. desember sl.*

*Bæjarráð leggur til að gerður verði formlegur samningur um samstarfið þar sem markmið samstarfsins og afurðir verða skilgreind nánar. Erindið verði tekið fyrir að nýju í bæjarráð þegar samningur um verkefnið liggur fyrir.*

Páll Björgvin framkvæmdastjóri SSH kynnir stöðu þessa verkefnis.

***Niðurstaða fundar:***

Útskýringabréf „Letter of understanding“ er væntanlegt frá Sambandi íslenskra sveitarfélaga. Í framhaldi þess verði áframhaldandi ferill þessa máls markaður.

**6. Samstarfssamningar sveitarfélaga / málsnr. 2009003**

Framhald umræðu frá 518. fundi stjórnar en þá var eftirfarandi bókað í fundargerð vegna málsins.

***Samstarfssamningar sveitarfélaga / málsnr. 2009003***

*Hinn 24. ágúst sl. fengu sveitarfélögin sent erindi samgöngu- og sveitarstjórnarráðuneytisins þar sem koma fram ábendingar og athugasemdir við form og efni þartilgreindra samstarfssamninga sveitarfélaga. Fyrirbyggjandi er minnisblað um skipulag og stöðu þessarar vinnu hjá SSH og sveitarfélögunum. Hildigunnur Hafsteinsdóttir lögfræðingur SSH kynnir ofangreint og tillögur um næstu skref.*

***Niðurstaða fundar:***



*Stjórn samþykkir að verkefnið verði unnið áfram í samræmi við þær tillögur sem fram koma í minnisblaði til stjórnar, dags. 14. janúar 2021. Jafnframt verði drög að viðaukum við stofnsamninga byggðasamlaganna send stjórn SSH til kynningar með tölvupósti áður en ráðuneytið fær þau send.*

Í samræmi við framangreint voru drög að viðaukum við stofnsamninga byggðasamlaganna send stjórn SSH til kynningar með tölvupósti hinn 28. janúar 2021. Samkvæmt tímalínu sem lagt var upp með í áður nefndu minnisblaði er næsta skref að senda þá til ráðuneytisins og verður það gert á vettvangi hvers sveitarfélags.

#### **Niðurstaða fundar:**

Stjórn samþykkir að hvert sveitarfélag sendi samgöngu- og sveitarstjórnarráðuneytinu viðaukadrögin ásamt svörum við ábendingum ráðuneytisins í samræmi við það sem fram kemur í minnisblaði um verkefnið. Að fengnum viðbrögðum þess verði viðaukarnir sendir til samþykktar stjórnar SSH og til afgreiðslu á vettvangi sveitarfélaganna.

### **7. Samkomulag um útfærslu vinnutíma vaktavinnufólks / málsnr. 2101009**

Fyrirliggjandi er tölvupóstur Báru Hildar Jóhannsdóttur, verkefnastjóra betri vinnutíma í vaktavinnu hjá embætti ríkissáttasemjara, dags. 29. janúar 2021, ásamt fylgigögnum, en þar er m.a. óskað eftir því að verkefnið verði kynnt fyrir sveitarstjórum á fundi.

#### **Niðurstaða fundar:**

Báru Hildi Jóhannsdóttur hjá embætti ríkissáttasemjara verði boðið á fund ásamt mannauðsstjórum sveitarfélaganna og stjórn SSH til að kynna útfærslu vinnutíma vaktavinnufólks. Skrifstofu SSH er falið að skipuleggja og boða slíkan fund.

### **8. Akstursþjónusta fatlaðs fólks / málsnr. 1711002**

Fyrirliggjandi eru fundargerðir stjórnar akstursþjónustunnar og eru þær lagðar fram til kynningar. Jafnframt liggur fyrir fundinum minnisblað Hópbíla til framkvæmdastjóra Strætó bs. þar sem farið er fram á tekjufallsstyrk vegna áhrifa Covid-19 á áætlaðar tekjur. Jóhannes Rúnarsson, framkvæmdastjóri Strætó bs., er gestur fundarins undir þessum lið.

#### **Niðurstaða fundar:**

Erindi Hópbíla verður skoðað á vettvangi stjórnar akstursþjónustunnar og tillögur lagðar fyrir stjórn SSH.

### **9. Önnur mál**

Fleira var ekki gert og fundi slitið kl. 13:00